

Na osnovu člana 31. stav 1. alineja j) i člana 42. Statuta UPFBiH, na prijedlog Predsjednika UO, Upravni odbor Udruženja poslodavaca u FBiH na 31. sjednici održanoj 14.04.2022. godine donio je sljedeću:

**ODLUKU
o imenovanju direktora**

I

Mario Nenadić, diplomirani pravnik iz Sarajeva, imenuje se na funkciju direktora Udruženja poslodavaca FBiH.

II

Mandatni period na koji je imenovan direktor traje 4 godine, počev od 01.08.2022.godine.

III

Zadužuje se Predsjednik Upravnog odbora Adnan Smailbegović, da zaključi ugovor o radu sa Mariom Nenadićem.

IV

Ova odluka stupa na snagu danom donošenja, a primjenjivaće se 01.08.2022. godine.

Obrazloženje

Prema članu 42. Statuta Udruženja poslodavaca FBiH direktora imenuje i razrješava Upravni odbor na prijedlog predsjednika Upravnog odbora.

Trenutnu funkciju direktora obavlja Mladen Pandurević koji je imenovan na mandatni period 2018-2022. godine. Obzirom da sadašnjem direktoru, Mladenu Pandureviću, mandat ističe 30.04.2022. godine, prema članu 31. Statuta UPFBiH, Upravni odbor treba izvršiti imenovanje direktora, reizborom sadašnjeg direktora ili izborom novog direktora Udruženja poslodavaca FBiH.

Imajući u vidu da Mladen Pandurević ne želi da se imenuje na novi mandat Upravni odbor na prijedlog predsjednika UO shodno članu 31. Statuta treba izvršiti imenovanje novog direktora.

Prema stavu 3. član 42. Statuta uslovi koje mora ispunjavati direktor su sljedeći: VSS, pet godina radnog iskustva na rukovodećim poslovima, dokazane organizacijske i menadžerske sposobnosti te poznavanje jednog stranog jezika.

Predsjednik UO je za novog direktora predložio Maria Nenadića, diplomiranog pravnika iz Sarajeva.

Imajući u vidu da Mario Nenadić ispunjava uslove iz Statuta, te uzimajući u obzir njegovo impozantno dugogodišnje iskustvo i iskustvo u radu sa poslodavcima, Upravni odbor je na prijedlog Predsjednika a u cilju obezbjeđenja kontinuiranog rada Udruženja poslodavaca u FBiH donio Odluku o imenovanju Maria Nenadića za direktora Udruženja poslodavaca FBiH.

Upravni odbor smatra da će Mario Nenadić sigurno dati veliki doprinos u radu i jačanju pozicije Udruženja poslodavaca Federacije BiH.

CV Maria Nenadića je sastavni dio ove Odluke.

Sarajevo, 14.04.2022. godine

Broj:

Predsjednik Upravnog odbora
Adnan Smailbegović